

mandatis obtemperent quoquo modo. Et si qui eorumdem subditorum et vassallorum in his fuerint negligentes vel remissi, seu alias quomodolibet culpabiles, in eos et quemlibet eorum omnes et singulas prolatas per praesentes in eosdem ducem Venetiarum et alios monitos praefatos excommunicationis, aggravationis, interdicti, anathematis, maledictionis, privationis et inhabilitationis sententias, censuras et poenas pari modo ex nunc prout ex tunc proferimus et promulgamus in his scriptis. Monemus praeterea et requirimus auctoritate praedicta omnes et singulos forenses Italicae, Gallicae, Theutonicae, Hispanicae, Anglicae, Scoticae, Dalmaticae et cujuslibet alterius nationis, quos tunc Venetiis aut in civitatibus, terris et locis, in quibus veneti praefati de jure vel de facto superioritatem obtinent, mercaturae seu quavis alia causa esse contigerit, et mandamus eisdem, ut postquam veneti praefati interdicti sententiam incurrerint memoratam, quamprimum poterunt de Venetiarum et aliis locis in quibus veneti superioritatem obtinent, ut praefertur, ipsique tunc degerent, cum eorum mercibus et rebus omnibus recedant et ad illa redire, aut in eis conversari durante interdicto praedicto hujusmodi nostris obtemperare distulerint, similes prorsus excommunicationis, aggravationis, reaggravationis, interdicti, privationis et inhabilitationis ac bonorum confiscationis sententias incurrere volumus eo ipso, a quibus pari modo ab alio quam Romano pontifice nisi in mortis articulo nullus valeat absolutio- nis beneficium promereri. Rursus tamen ipsos, qui sic habitant Venetiis et in aliis civitatibus praedictis, evitent ac faciant quantum in eis est evitari nec cum eisdem venetis aut subditis eorum, seu ipsorum aliquo emendo, vendendo, permutando, mercando, seu alias quomodolibet contrahendo, commercium habere, aut cum eisdem per terram vel per mare conversari et in eorum navibus, triremibus et aliis navigiis seu in quibus aliquis eorum vel ipsorum mercantiae res et bona veherentur, se aut eorum res, merces et bona vehi permittere granum, vinum et alia victualia,